

Хальмг партийн болн комсомольск организац ягъдж бүрдэгдсмб

Ик-Цоохр нутга Чилгр селэнд 1920 джилд Цуг хальмгин Советин негдгч хурт деер, Хальмгин куч-көдсчирт автоном өгснй дару, Хальмг таньгччин гардгч көдлächирин өмн, дора бээрн газрмудт болн центрт партийн организац бүрдэх төр зогссми. Эн цаг күртг Хальмг таньгччин агъугъар баянхаси коммунистир, партийн нутгудин болн таньгччин комитетс уга болсн учрар, тару баянхайд болад, партийн Аадрхнй губкомин меллд оршаджала.

1919 джиллин эклчяр партийн ячейк Хальмгин ЦИК-д бүрдэгдлй, тер партийн Аадрхнй губкомд түшдг билй. Эн эклч парторганизацнн чледүд болн члдин кандидатмуд нурьгъдж Хальмгин ЦИК-н гардгч көдлмшт церглад улс баясми.

Хальмг таньгччн партийн таньгччин комитет бүрдэх төр гарсн зөмд, 1920 джиллин октябрь сард партийн Аадрхнй губком бийдэн түшдг РКП(б)-н Хальмгин уезди комитет бүрдэсми.

Хальмгин уезди комитетин өмн Аадрхнй губком ним гол төрмүд тавь:

1. Хальмг автономн таньгччин агъуд баян коммунистирин тоогъинь авх, эклч партийн организац-ячейк уга газрт терүг бүрдэх.

2. Хальмг таньгччин партийн конференци хуракин төлд урдаснь цуг бүрдэмджин төрмүдиг белх.

Хальмг таньгччин партийн конференци көдлмшн эклч өдр күртгн Хальмгин уезди комитет эн төрмүд күцäv.

Партийн Хальмгин уезди комитетд көдлх улсиг партийн губком ним улсас батлв: РКП(б)-н УК-н селгäтрт үр Завертаев, оргинструкторск отделин заведующд үр Б. Джиринтеев, культурноотделин заведующд үр И. Эренценов.

Үр Завертаев урдн Аадрхнй парторганизацд көдлджäсн, көгшин коммунист, Аадрхнд боцк кедг заводин көдлмшч баясми; үүрмүд Джиринтеев болн Эренценов—урдн Я. М. Свердловин нертä Коммунистическ университетд 6 сара курс чилэггäд ирсн, багъ наста коммунистир баясми.

Эн заагдсн гурви үүрмүдäс талдан, партийн Хальмгин уезди комитетин бюрон чледүд болдж орджаснь: Хальмг ЦИК-н ахлач Чапчаев болн таньгччин военком А. Маслов баясми.

1921 джиллин январь—февраль сард Хальмг-Базрт Хальмг таньгччин негдгч партийн конференци болсми. Конференцин делегатир болдж ирснь Хальмгин ЦИК-н, терүнй отделмүдин, Хальмг-Базрин, Яндгя-Мацгин, Хошуд болн Багъ-Цоохр нутгудин, дакад орс селäдин—Мацнин кецин нутга, Элсгин, Троицкин

болн Ремонтнинск уездин эклч парторганизацсин коммунистир баясми.

Партконференцид күүндхд хойр төр тавгдсми:

1. Нарт-делкән баядлин болн бдгй цагин йовдлин тускар үр Чапчаевин доклад.

2. Суньгъврн туск төр (партийн обкомин пленумн болн ревкомиссин чледүд суньгъх).

Негдгч цугдрана негдгч пленум деер РКП(б)-н Хальмг обкомин селгäтрт үр А. Чапчаев суньгъгдсми.

Үр Чапчаев партийн көдлмш гардхд бийиннь белдвр тату гидж тоолад, Москва балгъс орад, РКП(б)-н ЦК-д өлад, партийн Хальмг обком селгäтр гидж үр Марбушин батлуудж авсми, бийнь хяру, хуучн көдлмштän — Хальмг ЦИК-н ахлач болдж үлдсми.

Цөн үг Хальмг таньгччн комсомол бүрдэгдснй тускар.

1921 джиллин февраль сард РКСМ-н ЦК-с Хальмг таньгччур үр В. Толкунов, комсомолн Хальмг обкомин оргбюрон селгäтрт батлгдлж ирсми. 1921 джиллин март сард РКП(б)-н Хальмг обкомин бюрон хурт деер, комсомолн Хальмг обкомин оргбюрон ним улс оруудж батлгдсми:

РКСМ-н обкомин оргбюрон негдгч селгäтрт үр В. Толкунов, хойрдгч селгäтрт—үр В. Джиринтеев(тингхд би партд член баясн деерän, 1920 джиллин апрель сарас авн РКСМ-н член билäv). Комсомолн обкомин оргбюрон наадк көдлächирнь Аадрхнй комсомольск организацсас үрдж авгдсми.

РКСМ-н Хальмг обкомин оргбюро комсомолн таньгччин негдгч конференци цугдулд, селänй багъчудиг РКСМ-д оруудж авх, предприятъет болн учрежденьст эклч комсомольск организацс бүрдэх болн нутгудт комсомольск конференцис кеггäд, тер конференцис деер комсомолн нутгин комитетсин пленумд чледүд, комсомолн таньгччин конференцид делегатир суньгъх көдлмш күцäджäv.

РКП(б)-н ЦК-н илгäсн зä олздж, Свердловск университетд, хойр джилä—курст би илгäгдлäv.

1922 джил дундин сургъульта коммунистиринг Свердловск университетäс—талдан шишлнь ВУЗ-дур гаргъв, би РКСМ-н ЦК-н өгсн зäд, селänй эдл-ахун Тимирязевск академд орув, терүгän 1923 джил чилэггäд, агроном-полковод нер авлав.

Б. ДЖИРИНТЕЕВ.

1920 джлгäс авн КПСС-н член.